

289. TETHYS. *Corpus liberum, oblongiusculum, carnosum, apodum.*

*Os proboscide terminali, cylindrica, sub labio explicato.*

*Foramina 2 ad latus colli sinistrum.*

leporin. 1. T. labro ciliato. †

*Column. aquat. 27. †. 26. Lepus marinus major.*

*Rondel. pisc. 526. Leporis marini tertia species.*

*Habitat in Mari Mediterraneo.*

fimbria. 2. T. labro crenulato.

*Bohadsf. mar. 54. t. 5. f. 1, 2. Fimbria.*

*Habitat in Mari Adriatico.*

*Videtur a precedenti distincta species.*

290. HOLOTHURIA. *Corpus liberum, nudum, gibbum, Ano terminali.*

*Tentacula plura in altera extremitate.*

*Os inter tentacula.*

frondosa. 1. H. tentaculis frondosis, corpore lævi.

*Gunner. Aët. Stockb. 1767.*

*Habitat in Oceano Norvegico. D. Gunnerus.*

*Corpus ovato-oblongum, leviusculum, antice quasi capite instructum, in cuius apice os. Tentacula circum os 10, frondoso-lacera, capite longiora. Foramina pone caput 3, approximata & 1 laterale magis remotum.*

Phantapus. 2. H. tentaculis ramosis, corpore subsquamoso trifariam punctato. †

*Aët. Stockb. 1765. p. 256. t. 10.*

*Habitat in Oceano septentrionali. D. Strussenfeldt.*

*Corpus ovatum, subsquamatum s. scabrum, trifariam punctatum, subtus planum; postice conicum, apice perforato. Os antice. Tentacula circum os 10, ramosa, retractilia. Abdomen subtus planum, trifariam punctis longitudinaliter notatum.*

3. H.

tremula. 3. *H. tentaculis fasciculatis, corpore papillis hinc subconicis, illinc cylindricis.*

*Gunn. Act. Stockh. 1767.*

*Bohadsf. mar. 75. t. 6. Hydra.*

*Habitat in Oceano Norvegico, se inflans natans, contracta semper contremiscens.*

*Corpus cylindraceum, subtus planiusculum, cute crassiuscula, sanguinea; altero extremo capite opposito cylindrico, levi, glandem denudatam referente. Tentacula in ipso ore non semper conspicua & circum os centrale papillae positae. Tentacula sunt 7 brevia, aequalia, fasciculata, apice planiuscula. Gunn.*

Physalis. 4. *H. cirrhis difformibus filiformibus pendulis. Amœn. acad. 4. p. 254. t. 3. f. 6.*

*Rumph. mus. 49. Holothuria?*

*Sloan. jam. 1. p. 7. t. 4. f. 5. Urtica marina soluta purpurea oblonga, cirrhis longissimis. bene.*

*Brown jam. 386. Arethusa citta subrubella venosa.*

*Osbeck. it. 284. t. 12. f. 1. Physalis pelagica.*

*Habitat in Pelago.*

*Corpus ovatum, subtrigonum, hyalinum: Dorso acuto, obscure viridi, unde nervi excurrentes plurimi; antice rufescens. Rostrum spirale, rufescens, ad extremitatem crassiore. Tentacula sub extremitate crassiore plurima, inaequalia: horum breviora tertia, crassiora; media capillaria, apice luteo globoso; reliqua longiora filiformia, quorum intermedium crassius & duplo longius; talis visa mihi.*

*Ventriculus diaphanus tentaculis numerosis, figuram referens Ventriculi humani; supra instructa Crista cellulosa; sub altera extremitate Tentacula dependent numerosa, ramosa. Brown.*

Thalia. 5. *H. crista compressa lineis lateralibus integris. †*

*Brown. jam. 384. t. 43. f. 3. Thalia oblonga, crista perpendiculari compressa quadrata; lineis lateralibus integris.*

*Habitat in Pelago Americano.*

caudata. 6. *H. caudata, crista compressa: lineis lateralibus interruptis. †*

*Brown. jam. 384. t. 43. f. 4. Thalia oblonga caudata, crista depressa rotundata: lineis lateralibus interruptis.*

*Habitat in Pelago.*